



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Tractatus De Necessitate Et Modo Ministrandi Sacramenta Tempore pestis

Chapeauville, Jean

Mogvntiæ, 1612

17. An etiam illis, qui virginem destoratam, data fide de matrimonio, si ante votum de suscipiendo Ordine sacro seu castitate seruanda emiserunt?

**urn:nbn:de:hbz:466:1-41077**

SACR. MATRIM. TEMP. PEST. 513  
hoc autem decretum speciale in qualibet  
parochia publicationem postulat, vt pate-  
et ex ipso Concilio.

## QVÆSTIO XVII.

*An etiam illis, qui virginem deflorarunt, data fi-  
de de matrimonio, si antea votum de  
suscepiendo ordine sacro seu ca-  
stitate seruanda emi-  
serunt?*

Quæstionis explicatio.

**C**ertum est, votum Ordinis Sacri non  
obstante fide data virgini vires obli-  
gandi habere; dubitatur modò, an huius-  
modi votum habentes, si peste corripian-  
tur, prius voto satisfacere teneantur; an ve-  
rò puella defloratam ducere: & consequen-  
ter obligetur pastor, huiusmodi matrimo-  
niis interesse?

*Responsio.*

**P**robabilius videtur, prius teneri puel-  
lam defloratam ducere, & consequen-  
ter pastorem teneri, illorum matrimoniis  
interesse, quia votum non obligat rebus  
mutatis, vt tradunt omnes in materia de vo-  
to: hic autem notabilissima est mutatio,

K k cum

cum vinculum fortissimum superuenerit, & grauissimum pximi damnum, si votum impleatur. Deinde vinculum iustitiæ fortius est, quam charitatis: sed ob charitatis vinculum superueniens, tenetur quis religionis votum præcedens suspendere, puta ratione indigentia parentum, secundum communem: ergo à fortiori propter vinculum iustitiæ, quale hic reperitur.

Dices. Si deflorator in hoc casu teneretur defloratam ducere, hoc esset vel ratione promissionis, vel ratione damni virgini illati: sed non tenetur ratione promissionis, quia nulla fuit tanquam rei illicitæ contra votum: neque ratione damni, quia violans virginem nuptiis non promissis, non tenetur eam ducere, sed potest aliter satisfacere.

R. Defloratorem teneri ducere ratione vtriusque simul; nec est perinde, nullam intercessisse promissionem, & intercessisse illicitam, quia quando nulla adfuit promissio, deflorata nullum habet ius ad matrimonium; (a) quoniam scienti & consentienti non fit iniuria: quando autem promissio adfuit, licet inualida, propter causam ipsi defloratæ occultam, tunc ipsa ratione deceptionis & damni sibi à defloratore illati, habet ius petendi, & consequenter iusta

a Narrar. c.  
27. num. 16.

SACR. MATRIM. TEMP. PEST. 515  
Iusta causa oritur ad priorem obligatio-  
nem.

### QVÆSTIO XVIII.

An etiam illis, qui prius fidem alicui virgini de  
matrimonio dederunt, & postmodum si-  
mitem dederunt alteri virgi-  
ni, copula conse-  
quuta?

Quæstionis explicatio:

**P**ROponuntur hoc loco tacite duæ quæ-  
stiones.

Prima, an semper teneatur pastor vni  
vel alteri matrimonio interesse, ita vt nul-  
lus exoriri possit, quo neutri teneatur, hoc  
est, neq; matrimonio, quod vult inire cum  
prima virgine, cui simplicem matrimonii  
fidem dedit, neque alteri, quod vult inire  
cum virgine, quam defloravit, fide etiam  
de matrimonio contrahendo data.

Secunda, casu quo teneatur alteri inter-  
esse, vtri magis teneatur interesse, priorinè,  
hoc est, cum virgine simplicem fidem ha-  
bente, an posteriori, hoc est, cum de-  
florata, habente quoque  
fidem de matrimo-  
nio.

Kk 2

Responsio,